

3. Račun za štampanje posljednjeg objavljenog broja naučnog časopisa.

Specifična dokumentacija za sufinansiranje članarine u međunarodnim naučnoistraživačkim organizacijama i tijelima:

1. Opis djelokruga naučnoistraživačke organizacije/tijela kao izvod sa zvanične web stranice organizacije/tijela
2. Predračun, račun ili uplatnicu kao dokaz za plaćeno članstvo u **međunarodnim naučnoistraživačkim organizacijama i tijelima za 2021. godinu.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi Prečišćeni tekst i 37/14 - Ispravka) i člana 13. stav (4) Uredbe o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", broj 19/21), Vlada Kantona Sarajevo, na 24. sjednici održanoj 20.05.2021. godine, donijela je

ODLUKU

O UTVRĐIVANJU TEKSTA IZJAVE SUPERVIZORA

I

Ovom odlukom uređuje se tekst izjave supervizora, koju je svaki supervizor dužan pismeno izjaviti prilikom imenovanja za supervizora, shodno odredbama Uredbe o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", broj 19/21) (u daljem tekstu: Uredba).

II

Tekst izjave iz tačke I ove odluke glasi:

"Ja ime i prezime supervizora, punom moralnom, materijalnom i krivičnom odgovornošću izjavljujem da ću povjereni posao supervizora obavljati zakonito, savjesno i profesionalno, da ću se u svom radu voditi isključivo stručnim i profesionalnim kompetencijama, te da ću izbjegavati djelatnosti i propuste koji su nespojivi sa dužnostima supervizora propisanim Uredbom.

III

Izjave supervizora čuva i evidentira Ured za borbu protiv korupcije i upravljenje kvalitetom Kantona Sarajevo.

IV

Data izjava supervizora se čuva dok se lice koje ju je izjavilo nalazi na Listi supervizora, osim u slučaju da se tekst izjave promijeni.

V

Obrazac teksta izjave supervizora nalazi se u prilogu 1. ove odluke i čini njen sastavni dio.

VI

Ovom odlukom stavlja se van snage Odluka o utvrđivanju izjave supervizora ("Službene novine Kantona Sarajevo", broj 11/19).

VII

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-21805-19/21
20. maja 2021. godine
Sarajevo

Premijer
Edin Forto, s. r.

**IZJAVA
SUPERVIZORA**

“Ja _____ ime i prezime supervizora _____, pod punom moralnom, materijalnom i krivičnom odgovornošću izjavljujem da ću povjereni posao supervizora obavljati zakonito, savjesno i profesionalno, da ću se u svom radu voditi isključivo stručnim i profesionalnim kompetencijama, te da ću izbjegavati djelatnosti i propuste koji su nespojivi sa dužnostima supervizora propisanim Uredbom.

Izjavu potvrđujem svojeručnim potpisom.

U Sarajevu, _____ godine.

Ime i prezime

svojeručni potpis

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 40. stav (4) Zakona o izvršavanju Budžeta Kantona Sarajevo za 2021. godinu ("Službene novine Kantona Sarajevo", broj 05/21), Vlada Kantona Sarajevo, na 67. vanrednoj sjednici održanoj 21.05.2021. godine, donijela je

**ODLUKU
O IZMJENI ODLUKE VLADE KANTONA SARAJEVO
BROJ 02-04-18959-2/21 OD 21.04.2021. GODINE**

I

U Odluci Vlade Kantona Sarajevo broj 02-04-18959-2/21 od 21.04.2021. godine ("Službene novine Kantona Sarajevo", broj 18/21) u tački I riječi: "do iznosa 48.542.000 KM" zamjenjuju se riječima: "do iznosa 53.763.000 KM", ostatak teksta do kraja rečenice ostaje neizmijenjen.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-22211-1/21
21. maja 2021. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 66. vanrednoj sjednici održanoj 20.05.2021. godine, donijela je

**ODLUKU
O USVAJANJU PROJEKATA JU ZAVOD ZA
ZDRAVSTVENU ZAŠTITU ŽENA I MATERINSTVA
KANTONA SARAJEVO**

I

Usvajaju se projekti JU Zavod za zdravstvenu zaštitu žena i materinstva Kantona Sarajevo, i to:

- Projekat nabavke i instalacije digitalnog mamomata;
- Projekat sanacije krovnih površina, terase i dijela dvorišta centralnog objekta.

II

Sredstva za realizaciju projekata iz tačke I ove odluke planirana su Budžetom Kantona Sarajevo za 2021. godinu i Programom utroška sredstava sa kriterijima raspodjele sredstava tekućih i kapitalnih transfera utvrđenih Budžetom Kantona Sarajevo za 2021. godinu Ministarstva zdravstva Kantona Sarajevo, broj 02-04-6490-6/21 od 11.03.2021.